

帝王世紀輯存

徐宗元輯



徐宗元輯

帝王世紀輯存

R1145/23

中華書局

帝王世紀輯存

徐宗元輯

中華書局出版

(北京復興門外翠微路2號)

北京市書刊出版業營業許可證出字第17號

京華印書局印刷

新華書店北京發行所發行 全國新華書店經售

850×1168毫米 1/32 · 4 7/8 印張 · 78,000 字

1964年6月第1版

1964年6月北京第1次印刷

印數：0,001—3,950 定價：(9) 0.66元

統一書號：11018·474 64.6. 京型

自序

帝王世紀的作者皇甫謐，晉初安定朝那（今甘肅平涼）人。二十歲以後發憤讀書，晉武帝幾次徵召，都不應命，終身以著述爲務，自號玄晏先生。晉書本傳說他除帝王世紀以外，還著有玄晏春秋、高士、逸士、列女等傳和詩賦論難甚多。

帝王世紀是一部上起三皇，下迄漢魏的史書，其中多采古文尚書及六經圖讖。隨書經籍志及兩唐書經籍、藝文志都列在雜史類，宋史藝文志列在編年類。根據太平御覽等類書所引看來，原書乃分類爲篇，務在博考，作爲編年是不妥當的。又隋唐志作十卷，宋志僅九卷，大約北宋時已佚一卷。等到南宋王應麟纂輯玉海時，即多從別的書中展轉裒集，可見當時已經沒有傳本，很可能是南渡時亡失的，是本書不存於世間已經八百年了。

唐宋以前，帝王世紀這部書是頗受重視的。元延明替它作過注（見魏書本傳），盧綽有帝王世紀音四卷，何茂材還作過續帝王世紀十卷（均見隋志）。但元注隋志未曾著錄，盧綽之書亦已久佚。唯太平御覽等類書引世紀之文，往往附見音注，可能就是元、盧兩書的遺文。

世紀亡佚後，元明以來很多學者如陶宗儀、王謨、張澍、臧庸、宋翔鳳、顧觀光、錢保塘、王仁俊等人，都相繼做過此書的輯錄工作，企圖恢復原書面目。陶本收入重校說郛，王本在漢唐地理書鈔，宋本刊於嘉慶間，楊氏訓纂堂重刻宋氏書，別附錢本，顧本在指海叢書，張氏原稿被法人盜往巴黎，上海圖書館藏有定本，所附考證乃未完之作，王本亦藏上海圖書館，唯臧本著錄於清代毘陵書目，未曾見過。但是所有這些輯本都還不够詳備，同一條文字見引於兩處以上者，往往不加校勘，審擇纂次亦有問題。現在參考前人的輯錄，再加搜集補正，編成這部帝王世紀輯存，分爲十卷，以合隋志原書之數。

前人引書，往往與原文不盡相同。因此，凡是一事而各處文字不同的，在本書中都作爲異文分列；文字相同的，將不同的出處附注在正文之下。引文首尾不完備的，用方括號作了必要的補綴。至於書名，有因避諱而稱爲帝王代紀、帝王紀的，有簡稱爲世紀的，有稱爲皇王世紀、帝王世家、帝王世說的，更有舉作者姓名稱爲皇甫謐、皇甫士安及皇甫謐記的，一律仍舊，唯稱帝王世紀的，則省去書名。疏漏之處，在所難免，尙希讀者指正。

徐宗元識 一九六三年三月

帝王世紀輯存目錄

自序	一
自皇古至五帝第一	一
夏第二	四八
殷商第三	六一
周第四	七八
列國第五	一〇一
秦第六	一〇三
漢第七	一〇九
魏第八	一一五
星野及歷代墾田戶口數第九	一二七
餘存第十	一二三

附錄

.....一二五

引用書目

.....一四四

帝王世紀輯存

徐宗元輯

自皇古至五帝第一

案五行大義卷五云。帝王世紀以羲皇。神農。黃帝爲三皇。少昊已下爲五帝。史記五帝本紀索隱云。皇甫謐帝王代紀及孫氏注系本。並以伏羲。神農。黃帝爲三皇。少昊。高陽。高辛。唐虞爲五帝。又正義亦云。皇甫謐帝王世紀。孫氏注世本。並以伏羲。神農。黃帝爲三皇。少昊。顓頊。高辛。唐虞爲五帝。補三皇本紀注云。三皇紀者不同。譙周以燧人爲皇。宋均以祝融爲皇。而鄭依春秋緯。以女媧爲皇。承伏羲。皇甫謐亦同。蓋女媧襲庖犧制度。爲女皇。非自爲一代也。初學記卷九云。皇甫謐以爲有巢在女媧之後。茲依其次序。列之如後。

天地未分。謂之太易。太平御覽卷一引。

元氣始萌。謂之太初。同上。

氣形之初。謂之太始。同上。

形變有質。謂之太素。太素之前。幽清寂寞。不可爲象。惟虛惟無。蓋道之根。自道旣建。猶無生有。太素

質始萌。萌而未兆。謂之龐洪。蓋道之幹。既育萬物成體。於是剛柔始分。清濁始位。天成於外而體陽。故圓以動。蓋道之實。同上○案故圓以動句。語義未完。疑有脫文。

質形已具。謂之太極。同上。

天地開闢。有天皇氏。地皇氏。人皇氏。或冬穴夏巢。或食鳥獸之肉。北堂書鈔卷百五十八引帝王世說。

天皇太帝。曜魄寶。地皇爲天一。人皇爲太一。五行大義卷五引世紀○案大義引甘公星經謂。天皇太帝。名曜魄寶。五帝之尊祖也。

自天地闢設。人皇以來。迄魏咸熙二年。凡二百七十二代。積二百七十六萬七百四十五年。分爲十紀。一曰九頭。至十曰疏訖。博雅音卷九注引。

大皞帝包犧氏。風姓也。母曰華胥。燧人之世。有大人跡出於雷澤。華胥履之。而生包犧。長於成紀。蛇身人首。有聖德。取犧牲以充包廚。故號曰包犧氏。後世音謬。故或謂之伏犧。或謂之慮犧。一號皇雄氏。在位一百一十年。包犧氏沒。女媧氏代立爲女皇。亦風姓也。女媧氏沒。次有大庭氏。柏黃氏。中央氏。栗陸氏。驪連氏。赫胥氏。尊盧氏。混沌氏。皞英氏。有巢氏。朱襄氏。葛天氏。陰康氏。無懷氏。凡十五世。皆習包犧氏之號也。易繫辭下正義引○御覽卷三百六十引云。庖犧氏風姓也。母曰華胥。燧人之代。有大迹出雷澤。胥履之。生庖犧。○禮記曲禮上正義引云。伏犧之後。女媧氏亦風姓也。女媧氏沒。次有大庭氏。柏皇氏。中央氏。栗陸氏。驪

連氏。赫胥氏。尊盧氏。渾沌氏。昊英氏。有巢氏。朱襄氏。葛天氏。陰康氏。無懷氏。凡十五代。皆襲伏犧之號。○史記補三皇本紀注云。皇甫謐以爲大庭已下一十五君。皆襲庖犧之號。

大皞帝庖犧氏。風姓也。母曰華胥。遂人之世。有大人之迹。出於雷澤之中。華胥履之。生庖犧於成紀。蛇身人首。有聖德。爲百王先。帝出於震。未有所因。故位在東主春。象日之明。是以稱大皞。一號黃熊氏。禮記月令正義引。○尙書序正義顧氏引云。伏犧母曰華胥。有巨人跡。出於雷澤。華胥以足履之。有娠。生伏犧於成紀。蛇身人首。○補三皇本紀云。母曰華胥。履大人迹於雷澤。而生庖犧於成紀。蛇身人首。注云。華胥已下出帝王世紀。○御覽卷三百六十引云。庖犧氏。風姓也。母曰華胥。遂人之代。有大迹。出雷澤。胥履之。生庖犧。○續漢志郡國志注引云。包犧氏生於成紀。○類聚卷十引云。燧人之世。有大迹。出雷澤。華胥履之。生庖犧氏於成紀也。

燧人氏沒。包犧氏代之。自天皇至燧皇。九十一代。一百八萬二千七百六十年。通鑑外紀卷一引。○案路史前紀五引世紀云。燧人氏沒。包犧代之。

太昊帝庖犧氏。風姓也。蛇身人首。有聖德。都陳。作瑟三十六絃。燧人氏沒。庖犧氏代之。繼天而生。首德於木。爲百王先。帝出於震。未有所因。故位在東方主春。象日之明。是稱太昊。制嫁娶之禮。取犧牲以充庖廚。故號曰庖犧皇。後世音謬。故或謂之密犧。○原注。一解云。必古伏字。後設以必爲密。故號密犧。一號雄皇氏。在位一百一十年。御覽卷七十八引皇王世紀。○初學記卷九引帝王世紀曰。庖犧氏。風姓也。蛇身人首。

有聖德。燧人氏歿。庖犧代之。繼天而王。首德於木。爲百王先。帝出於震。未有所因。故位在東方主春。象日之明。是稱太昊。都陳。制嫁娶之禮。取犧牲以充庖廚。故號庖犧氏。是爲犧皇。後世音謬。故謂之密犧。原注云。一解云。慮古伏字。後誤以慮爲密。故曰密犧。○案正文繼天而生。生是王之誤。又元延明注之設字。當作誤。宜改正。○類聚卷十一引云。太昊帝庖犧氏。風姓也。蛇身人首。有聖德。都陳。作瑟三十六絃。○路史後紀一。注引世紀云。伏羲作瑟三十六絃。○禮記曲禮正義引云。燧人氏歿。包犧氏代之。○書鈔卷七引云。繼天而象日。○路史後紀一。注引世紀云。遂人沒。伏羲代之。○又引世紀云。後世音謬。或謂伏羲。或作慮犧。○又引世紀云。一作雄皇。○顏氏家訓書證篇引皇甫謐曰。伏羲或謂之宓犧。○唐文粹卷九十五陳鴻大統紀序引皇甫謐云。太昊在位一百一十年。

太昊伏羲氏。小學紺珠卷五引。

包犧亦號天皇。路史後紀一引。

天皇庖犧。都陳留。路史後紀一引世紀。

伏犧氏作瑟三十六絃。長八尺一寸。初學記卷九引。

太昊庖犧氏。風姓。有景龍之瑞。故以龍紀官。初學記卷三十引。○御覽卷九百二十九引曰。太昊包犧氏。風姓。有景龍之瑞。故以龍紀官。○事類賦注卷二十八引曰。太皞庖犧氏。有景龍之瑞。故以龍紀官。

伏犧氏仰觀象於天。俯觀法於地。觀鳥獸之文。與地之宜。近取諸身。遠取諸物。於是造書契以代結

繩之政。畫八卦以通神明之德。以類萬物之情。所以六氣六府六藏五行陰陽四時水火升降。得以有象百病之理。得以有類。乃嘗味百藥而制九針以拯天枉焉。御覽卷七百二十一引。○路史後紀一注引世紀云。太昊制九針以拯天柱。此天柱字當是天枉之誤。

伏羲「嘗百草」路史後紀一引世紀

庖犧氏風姓也。制嫁娶之禮。取犧牲以充庖厨。以食天下。故號庖犧。後或謂之伏犧。後漢書班固傳注引帝王紀。

「庖犧」制嫁娶之禮。未有文章。書鈔卷十七引。

「庖犧」取犧牲以供庖厨。食天下。故號曰庖犧氏。或作密戲氏者。密字誤也。當山下著必是古之伏字。禮記月令正義引。

「敷教之臺」伏羲風姓蛇身人首。常居此臺。伏牛乘馬。故曰伏牛臺。太平寰宇記卷四十二引。○路史後紀一注。伏羲有敷教之臺。世紀謂伏羲常居。然云居此臺。伏牛乘馬而名。其言不類。

伏犧葬南郡。或曰冢在山陽高平之西也。補三皇本紀注引皇甫謐云。

「伏犧」葬南郡。在襄陽。路史後紀一注引世紀。

「太昊」子孫五十九姓。傳世五萬餘歲。又有循飛等九紀。唐文粹卷九十五陳鴻大統紀序引皇甫謐云。

伏犧都陳。神農亦都陳。又營曲阜。(原注)陳今陳州。曲阜今兗州曲阜縣。黃帝都涿鹿。或曰都有熊。(原注)涿鹿今幽州界。有熊今鄭州界。新鄭縣。少昊都窮桑。(原注)窮桑在魯北。故春秋傳曰。命伯禽而封少昊之墟。又尚書序曰。魯侯伯禽宅曲阜。顓頊都高陽。(原注)高陽在周爲衛地。故春秋傳曰。衛顓頊之墟也。或謂之衛丘。今濮陽縣。帝嚳都亳。一曰都高辛。(原注)今偃師也。堯始封於唐。後徙晉陽。卽帝位。都平陽。(原注)唐今定州唐昌縣。晉陽今太原府晉陽縣。平陽今晉州。舜都蒲阪。(原注)今蒲州河東縣。禹本封於夏。爲夏伯。及舜禪。都平陽。或在安邑。(原注)安邑蒲州縣名。一曰夏禹在陽城。蓋避舜子商均。非都也。案尚書五子之歌曰。惟彼陶唐。有此冀方。言堯舜至禹及太康。皆在冀州界。少康中興。而復還舊都。故春秋傳曰。復禹之迹。不失舊物。湯都亳。(原注)殷都有三亳。穀熟爲南亳。偃師爲西亳。湯都卽南亳也。或云西亳。至仲丁遷囂。(原注)或曰敖。今河南之敖倉也。河亶甲居相。(原注)相今相州。祖乙居耿。(原注)耿河東皮氏之耿鄉。及盤庚五遷。復南都亳之殷地。(原注)則西亳也。周文王都鄠。武王都鎬。(原注)鄠鎬並今京兆之界。周公相成王。以鄠鎬偏處西方。方貢不均。乃營洛邑。(原注)今東都也。成王卽洛邑。建明堂。朝諸侯。復還鄠鎬。至幽王爲犬戎所殺。平王東遷。乃居洛邑。及敬王時。又遷成周。(原注)今洛陽故都城是也。秦非子始封於秦。(原注)秦今在隴西。自非子之後。莊公徙楚丘。文公徙汧。寧公都平陽。平陽今岐州郿縣界。非堯之平陽都也。至德公又居雍。獻公徙櫟陽。孝公徙咸陽。後都咸陽。漢都長安。初學記卷二十四引。宓義爲天子。都陳。在禹貢豫州之域。西望外方。東及明緒。於周。陳胡公所封。故春秋傳曰。陳太昊之

墟也。於漢屬淮陽。今陳國是也。神農氏亦都陳。又營曲阜。故春秋稱魯大庭氏之庫。黃帝都涿鹿。於周官幽州之域。在漢爲上谷。而世本云。涿鹿在彭城南。然則上谷本名彭城。今上谷有涿鹿縣。及蚩尤城。阪泉地。又有黃帝祠。皆黃帝戰蚩尤之處也。或曰。黃帝都有熊。今河南新鄭是也。少昊民自窮桑登位。故春秋傳曰。世不失職。遂濟窮桑登帝位。在魯北。後徙曲阜。於周爲魯。在禹貢徐州。蒙羽之野。奎婁之分。降婁之次。周以封伯禽。故春秋傳曰。命伯禽而封少昊之墟。是以書敘稱魯公伯禽宅曲阜是也。顓頊氏自窮桑徙商丘。於周爲衛。在禹貢冀州太行之東北。踰常山及兗州桑土之野。營室東壁之分。豕韋之次。故春秋傳曰。衛顓頊之墟也。謂之帝丘。今東郡濮陽是也。帝嚳氏都宅。今河南偃師是也。禹貢外方之城。嵩之北。或言在梁。非也。帝堯氏始封於唐。今中山唐縣是也。堯山在焉。唐水在西北。入唐河。南有望都縣。山卽堯母慶都之所居也。相去五十里。都山一名亘山。北登堯山。南望都山。故名其縣曰望都。而地理志。堯山在唐南山中。張晏以堯山實在唐北。地理志。堯之以後徙涿鹿。世本云。在彭城南。今上谷郡北自有彭城。非宋彭城也。後又徙晉陽。今太原縣也。於周禮在并州之域。及爲天子都平陽。於詩風爲唐國。武王子叔虞封焉。更名唐。故吳季扎聞唐之歌曰。思深哉。其有陶唐氏之遺氏乎。帝舜其所營都。或言蒲阪。卽河東縣。御覽卷百五十五引。○路史後紀三注引世紀云。太昊都陳。豫州之域。西望方外。東及明諸。胡公之封。神農亦都之。○續漢志郡國

志二注引云〔陳〕庖犧氏所都。舜後所封。○史記五帝本紀集解引皇甫謐云。有熊。今河南新鄭是也。○續漢志郡國志三注引云。顓頊自窮桑徙商丘。○史記五帝本紀集解引皇甫謐云。〔顓頊〕都帝丘。今東郡濮陽是也。○又引皇甫謐云。〔帝嚳〕都亳。今河南偃師是。○案正文之都宅。乃都亳之譌。宜據此改正。○御覽卷八十引云。帝堯氏作。始封於唐。今中山唐縣是也。堯山在北。唐水在西北。入河南。有望都縣。有都山。卽堯母慶都之所居也。相去五十里。都山一名豆山。北登堯山。南望都山。故曰其縣曰望都。○案正文之入唐河。唐是衍文。望都縣下。奪有都二字。豆山又係豆山之誤。宜據上文改正。而上文之故曰。當從正文作故名。○御覽卷百六十三引云。帝堯始封於唐。又徙晉陽。及爲天子。都平陽。平陽卽今晉陽。卽太原也。○續漢志郡國志二注引云。堯封唐。堯山在北。唐水西入河南。有望都山。卽堯母慶都所居。相去五十里。都山一名豆山。○文選南都賦注引皇甫謐云。堯始封於唐。今中山唐縣是也。後徙晉陽。及爲天子。都平陽。於詩爲唐國。○水經注卷十一易水注引云。堯母慶都所居。故縣目曰望都。○又引皇甫謐云。〔望都〕在唐南。相去五十里。○史記秦始皇本紀正義引帝王紀云。望。堯母慶都所居。○案此文望下有脫字。○史記五帝本紀正義引帝王紀云。堯都平陽。於詩爲唐國。○毛詩唐風譜正義引皇甫謐云。堯始封於唐。今中山唐縣是也。○路史後紀十引世紀云。〔堯〕自唐封徙晉陽。及爲天子。都平陽。○案上文從乃徙之誤。○通鑑外紀卷一下引皇甫謐云。堯始封於唐。今中山唐縣也。後徙晉陽。及爲天子。都平陽。○毛詩魏風譜正義引皇甫謐云。舜所營都。或云蒲阪。卽河東縣是也。○案正文少昊民當作少昊氏。又陶唐氏之遺氏乎。當作陶唐氏之遺民乎。

庖犧氏作八卦。神農重之。爲六十四卦。黃帝堯舜引而伸之。分爲二易。至夏人因炎帝曰連山。殷人

因黃帝曰歸藏。文王廣六十四卦。著九六之爻。謂之周易。初學記卷二十一引。○御覽卷六百九引同。○路史後紀三注引云。庖羲以作八卦。神農重之。爲六十四卦。黃帝堯舜引而伸之。分爲二易。至夏人因炎帝曰連山。殷人因黃帝曰歸藏。文王廣六十四卦。著九六之爻。謂之周易。○案此文白歸藏。乃曰歸藏之誤。○周禮春官宗伯下正義引皇甫謐記曰。夏人因炎帝曰連山。殷人因黃帝曰歸藏。○路史後紀三注引世紀云。夏人因炎帝曰連山。○書鈔卷十七引云。著九六之文。○案九六之文。文乃爻之誤。

女媧氏亦風姓也。承庖犧制度。亦蛇身人首。一號女希。是爲女皇。（原注）淮南子曰。往古之時。四極廢。九州裂。天不兼覆。地不周載。女媧鍊五色石以補蒼天。斷鼇足以立四極。殺黑龍以濟冀州。積蘆灰以止滔水。其末有諸侯共工氏。任知刑以強伯。而不王。以水承木。非行次。故易不載。及女媧氏沒。次有大庭氏。柏皇氏。中央氏。栗陸氏。驪連氏。赫胥氏。尊盧氏。混沌氏。有巢氏。朱襄氏。葛天氏。陰康氏。無懷氏。凡十五世。皆襲庖犧之號。初學記卷九引。○御覽卷七十八引云。女媧氏亦風姓也。承庖犧制度。亦蛇身人首。一號女希。是爲女皇。未有諸侯有共工氏。任智刑以強伯。而不王。以水承木。非行次。故易不載。○案此處未有諸侯有共工氏。未當作末。有共工氏。有疑衍文。○路史後紀二注引世紀云。蛇身人首。一曰女希。是爲女皇。○又引世紀云。女媧未有諸侯共工氏。任智刑以強霸。而不王。○案未亦末之誤。伯霸通。

女媧氏亦風姓也。作笙簧。亦蛇身人首。一曰女希。是爲女皇。其末諸侯共工氏。任知刑以強伯。而不

王類聚卷十一引

尊盧後爲混沌。昊英有巢。朱衣。路史前紀八注引世紀。○案朱衣疑朱襄之誤。

女媧氏風姓。承庖羲制度。始作笙簧。無所革造。故易不載。不序於行。蛇身人首。是也。禮記明堂位正義引。大庭氏後十一世爲葛天氏。路史發揮一引世紀。

神農母曰女登。有神龍首。感女登而生炎帝。人身牛首。黃帝母曰附寶。見大電光繞北斗樞星。附寶感而懷孕。二十四月而生黃帝。日角龍顏。少昊金天氏。母曰女節。有星如虹下流。意感而生少昊。顓頊母曰景僕。昌意正妃。謂之女樞。有星貫月如虹。感女於幽房之宮。而生顓頊。堯母曰慶都。觀河遇赤龍。喑然陰風。感而有孕。十四月而生堯。尚書序正義據顧氏引。

〔少典有媧氏諸侯國號〕案補三皇本紀注云。皇甫謐以爲少典有媧氏諸侯國號。

炎帝神農氏。姜姓也。母曰任己。有蟠氏女。名曰女登。爲少典正妃。游華山之陽。有神龍首。感女登於尙羊。生炎帝。人身牛首。長於姜水。有聖德。繼無懷之後。本起烈山。或稱烈山氏。在位一百二十年而崩。納奔水氏女。曰聽談。生帝臨魁。次帝承。次帝明。次帝直。次帝釐。次帝哀。次帝榆罔。凡八代。及軒轅氏也。易繫辭下正義引。○案汲古閣本談作談。○禮記祭法正義引云。神農氏本起於烈山。或時稱之。○史記五帝本紀索隱引皇甫謐云。帝榆罔是也。○小學紺珠卷五引云。炎帝神農氏。